



Mjez holcami Ralbičanskeje wyšeje šule, kotraž běchu wčera w Budyskim Serbskim domje, běštej Bernadet Domaškec a Marija Domaškec (wotlěwa), kotrymajž je wučomnik Fabian Pöpel džěło zarjadniškeho fachowca rozložil. Foto: Jurij Helgest

Po puću w Serbskim domje

Holcy Ralbičanskeje wyšeje šule wosebity projektowy dzeń přewjedli

Budyšin (BW/SN). Z powołanskimi možnostmi w serbskich institucijach w Budyskim Serbskim domje zeznamichu so wčera holcy Serbskeje wyšeje šule Ralbicy. K tomu mějachy cyłe dopolndno chwile. Jednačel Domowiny Bjarnat Cyž a zamołwita za serbske naležnosće Budyškeho wokrjesa Regina Krawcowa móžešaj dohromady džewjeć holcow witać.

Po krótkim wodženju po Serbskim domje rozděllichu so holcy do mjeńšich skupinkow. W Domowinskim zarjěže nadžělichu wono mjez druhim nowinsku zdžělenku, wobdžělichu swojske foto a zestajichu plakat z krótkim tekstom wo tymle holčim dnju.

W Rěčnym centrumje WITAJ přistupnichu sej powołanje lektorki a widžachu,

jak serbske wučbny nastawaja. Nimo toho načisnychu plakat za sportowu wučbu, zeznachu džěło na wosebitych app wo powołanjach, spisachu krótki tekst za Płomjo a přeložichu za rěč spěchowace džěło w pěstowarni zabawnu hrú z němčiny do serbšćiny.

W zarjěže Založby za serbski lud rozložichu holcam wukublanje na zarjadniškeho fachoweho přistajeneho. Dale zhonichu wono wo projektech a projektowym spěchowanju a wopytachu dom Serbskeho ludoweho ansambla, hdžež móžachu k přetwaraj žurle a bašty swoje prašenja stajec. W studiju MDR-serbskeho rozhłosa natočištej dvě z nich naprašowanje wo tutym holčim dnju za rańši program. K zakónčenju jim Cle-

mens Škoda wobšěrnú webstronu Domowiny bliže předstaji a pokaza na protyčku zarjadowanjow. Wón informowaše, zo změja sobustawske towarstwa Domowiny w přichodže možnost, swoje terminy zarjadowanjow samostatnje do njeje zapodać.

Wučerka Ralbičanskeje wyšeje šule Christina Hajnowa hódnočeše wčerašji projektowy dzeń jako jara poradženy. Tež šulerki so wo poskitkach, směć w jednotliwych institucijach tež jónu praktisce sobu džětać, chwalobnje wuprajichu.

Předsydka Zwjazka serbskich přede- wzačelow a rjemjeslnikow Monika Cyžowa, kotraž bě ideju za tónle projekt zrodžila, wotpohladuje tež kletu tajki dzeń planować a přewjesć.

Wuprawa k hrodam wjedła

Po tym zo běchu Serbske Nowiny lońšu lětnju seriju wěnowali hrodam našeje kónčiny, je nawodnistwo Serbskeho kublanskeho srjedzišća LIPA wčera kublansku jězbu k někotrym z nich organizowało. 45 zajimcow so wobdžěli.

Smjerdžaca (aha/SN). Jednory dwuposchodowy Dobroščanski hród z mansardowej třěchu z 18. lěstotka bě přenja stacija kublanskeje jězby. Wot 1948 hač do 1962 bě tam šula a wjacore lěta tež wjesna předawarnja Konsuma. Po přewróće přendže hród znowa do priwatneho wobsydstwa. Wošec swójba je jón minjene lěta dospojnje wobnowila.

We Wyoškeje pobychu wulětnicy w prostym baroknym knjejskim domje, kotryž hrožeše po přewróće rozpadnyć. 1996 běšaj Siegfried Liepert a mandželska Christina njenahladny marodny twar přewzała a dospojnje saněrowała. Mjez tym su w hosćencu z hóstnyimi bydelenjemi z 30 ložemi 300 kwasow swjěcili.

Dalši puć wjedžeše wuprawnikow wčera do Minakata, hdžež sej jónkrótnu parličku mjez zemjanskimi sydłami wobhladachu. Wjacori so na přebytk w hrodze za NDRski čas dopominachu. Marja Krawcowa ze Smjerdžaceje powědaše

wo běžnje tam přewjedzenych dalekublanjach za wjesnjastow, na kotrychž bě so sama wobdžěliła. Monika Kochowa z Pančic-Kukowa dopominaše so jako bywša člonka Smjerdžaceanskeje rejwanskeje skupiny na trenigowe lěhwa a Beno Pjetaš z Budyšina zhladowaše na wot Domowiny organizowane młodžinske zarjadowanja. Štyri lětdžesatki bě w hrodze Centralna serbska rěčna šula zaměstnjena. Po jeje zawrjenju bě hród mjenje abo bóle rozpadaj přewostajeny. Mjez tym je z Frankskeje pochadžacy nowy mějićel, předezwjećel Hermann Fuchs, wšitke 80 rumnosćow na třoch poschodach z bydlenjskej płoninu 2700 kwadratnych metrow saněrował kaž tež třěchu a wonkownu fasadu dospojnje wobnowil.

Eduard Luhmann předstaji wuprawnिकam na to 830 hektarow wulki Wjercha Pückerow park, při čimž wšak je jenož 240 hektarow na němskej stronje, kaž tež tamniši imponantny hród. We Łazu witaše wobdžělnikow jězby předsyda towarstwa Zetkanišćo Dom Zejlerja a Smolerja Reinhardt Schneider. Při pomniku Zejlerja zaspěwachu zhromadnje „Ha widž-li ptačata ćahnyć“. Schneider pokaza jim tež wobnowjeny row Zejlerja, hdžež wo skutkowanju basnika zhonichu.



Wobdžělnicy wčerašjeje kublanskeje jězby wobhladachu sej mjez druhim Pückerow park w Mužakowje a tamniši imponantny hród. Foto: Alfons Handrik

Cyłe swójby so wot Krabatoweho džiwadla natyknyć dali

Čorny Chołmc (UH/SN). Džiwadlowo hru na terenje Krabatoweho młynka bě sej lěta 2006 tehdyša předsydka tamnišeho spěchowanskeho towarstwa Gertrud Wincarjowa wot šefa Drježdžanskeje eventagentury 0351 Petera Siebecki přala. Tele přeće je so mjez tym wjacore hač spjelniło. „Jako tehdy Krabatowy młyn wuhladach, běch hnydom do njeho zalubowany“, so Siebecke dopomina. Jeho zahorja předewšim tež euforija ludźi, kotřiž běchu zwólniwi na wulkim projekće džiwadloweje hry wo Krabace sobu skutkować. A tónle flair přerých Krabatowych swjędzkich hrow w lěće 2012

njeje sej sto wobdžělenych na jewišću a runje telko pomocnikow za kulisami jenož wobchowało, wón je so hišće zesylil. Tole wobkrućeja profijowi džiwadłelnicy runje tak kaž čí, kotřiž bjez teksta hraja.

Ze 14 předstajenjami na kónčach tydženja hač do 19. julija drje je lětsa wěsta hranica docpěta, kotruž organizatorojo překročić nohcedza. Wšitcy pak maja swoje wjeselo. „By-li nam to přewjele bylo, njebychmy so přizjewili“, praji Claudia Jurisch z Čorneho Chołmca. Wona je lětsa znowa rólu z tekstom dostala a ze swojej přečelku Carlu Hesse z Brěnje wot přerěneho raza sobu čini. To plaći tež za dwójnikow Antona a Richarda Fuchsa z Łutow, kotraž matak w hrě zaso napjatu dwójnu rólu. Sunhild Schreiber a jeje mandželski Jörg-Peter přišušataj runje tak kaž Monika a Hilmar Stoyan Čornochołmčanskej Krabatowej rejwanskej skupinje a su nětko štwórty raz pódla. Waltraud a Heinz Hartmann, člonaj Čiščanskeje rejwanskeje skupiny, porno tomu běšaj před lětomaj za schořeny Čornochołmčanski porik zaskočioj a staj wot toho časa stajnje mjez aktarami Krabatoweho džiwadla.

Mjez mnohimi sobuskutkowacymi seniorami je Hans-Jürgen Hercher. 67lětny Wojerowčan bě so loni w měrcu na castingu wobdžělił a hnydom rólu z tekstom dostał. Lětsa přewza wón rólu wjesnjastow. Tež cyłe swójby su so wot Krabatoweho džiwadla natyknyć dali, kaž su to pjeć Stephanecy z Čorneho Chołmca abo Ralf Thielicke z Wojerec z džowkomaj Vivian a Bonnie. Tući tři stejachu hake njedawno z musicalom „Krabat a kuzlarska kniha“ na jewišću Wojerowskeje Łužiskeje hale, hdžež hraješe nan Čorneho młynka a Vivian kantorku.

Po 40 lětach na čole so rozžohnowała

Budyšin (SN/CoR). Něhdyši a něčiji starši, přiwuzni, bywše koleginy, přečeljo a wězo tež džěci pjelnjachu wčera popołdnu zahrodu Budyskeje Serbskeje pěstowarnje „Jan Radyserb-Wjela“, zo bychu so z wjelelětnje nawodnicu Marju Döringowej swjatočnje rozžohnowali. Po 40 lětach na čole zarjadnišća poda so 62lětna kónč julija na wuměnk. Po wukublanju a krótkim skutkowanju w Budyskej Reichsbahn-pěstowarni a na to w serbskej přewza wona, 1971, po třoch lětach tam nawodnistwo. Mjez tym stara so wo džěci swojich bywšich chowancow.

„Nawjedowacu funkciju sće přeco přikladnje zmištrowali, džěcom z lubosću prawidła žiwjenja zblížila a sće so tež wot starała, zo ma Budyska Serbska zakładna šula přeco dosć maćernorěčnych džěci“, wuzběhny nawodnica předsydstwa Křesćansko-socialneho kublanske-

ho skutka Sakskeje (CSB) Marja Michałkowa. Předsyda Domowiny Dawid Statnik předstaji přitomnym nawodnicu z bóle wosobinskeje strony jako swoju četu Marku. Rodžena Ralbičanka wotrosće jako štwórta džowka jednače džěci wučerskeje swójby. „Sotra wo njej praji, zo je cyła optimistiska wjesola duša“, praji Statnik. Džensa bydlil mać syna a wowka dweju wnučkow w Budyšinje a z mužom rady po swěće jěždži.

Po małym programje něčičich a bywšich chowancow džakowaše so Marja Döringowa staršim, kolegam a CSB za podpěru a dowěru: „Z wulkimi idealami sym před 44 lětami započala, a wono su so spjelnił. Mi bě přeco wažne, zo džěci z hordosću serbsce rěča, a hdyž so džensa rozhladaju, zwěšcam, zo njejsym wšitko wopak činiła.“ 1. awgusta přewozmje Grit Henčlowa nawodnistwo pěstowarnje.



Džěci Budyskeje serbskeje pěstowarnje rozžohnowachu wčera Marju Döringowu, kotraž so po 40 lětach na čole zarjadnišća na wuměnk poda. Foto: SN/M. Bulank

Twarnišća dla bórže daljeje dróze zawru

Lemišow (SN). Próźdninski čas chcedža na mnohich městnach wužiwać a dróhi wuporjedžeć. Přichodny čas daljeje twarnišći k tomu přindžětej. Tak zawru wot pónđzele, 13. julija, hač do 22. awgusta wokrjesnu dróhu K 7216 mjez Lemišowom a Połpicu. Tam dóstanje wona nowu bitumenowu worštu. Nimo toho chcedža kromy puća přiměric. Wobchad powjedu přez Stróžu, Zuborničku, Hućinu, Klukš a Lichań.

Wot 20. julija hač do 15. awgusta budže wokrjesna dróha K 7211 wot Noweje Wsy w Malešanskej gmejnje do směra na Wotpočink (Ruhetal) hač k wotbóće na statnu dróhu S 121 dospojnje zawrjena. Tež tamniši wotrězk z noweje bitumenowej worštu pokryja. Wokołopuč budže přez Komorow a zwjazkowu dróhu B 156 wupisany.

POLICIJA

■ Skučićela hišće w zahrodce lepili

Brěznja. Najprjedy njeznaty skučićel je so zawčerawšim do zahrodnišća na Budyskej dróze w Brězni pola Kamjenca zadobyl. Wobydlerjo to pytnychu a spěšnje jednachu, informujo policiju. Zastojnicy na to 30lětneho muža w jednej ze zahrodkow lepichu. Z njezamknjeneho zahrodoweho domčka bě wón sekeru, po wjaz a smólnicu spakosčil. Při tym bědžeše so najskeře z wysokimi temperaturami, kotraž tón džen knježachu, přetož namakanu blešu mineralneje wody je wón hnydom na městnje wupil. Dokolž běchu policisća prawu zahrodku spěšnje wuslědžili, móžachu woni pokradnjene wěcy wobsedźerjej hnydom zaso wrócić. Wěčna škoda žana njenasta. Přiwšim změnje so 30lětny padustwa dla zamołwić.



Nimo profijowych džiwadłelnicow je tež wjele lajkow z Čorneho Chołmca a wokoliny, kotřiž na lětušich Krabatowych swjędzkich hrach sobu skutkują. Foto: Ulrike Herzger